

## **ABB фирмасы салатын электр станциясы құрылысының жобасы туралы**

Қазақстан Республикасы Үкіметінің Қаулысы 1996 жылғы 3 қазандағы N 1220

ABB фирмасы Үкіметтің қамқоршылығымен Балқаш көлінің жанындағы Үлкен поселкесінде қуаттылығы 320 МВт электр станциясы құрылысының жобасын жүзеге асыру ниетінде 1996 жылғы 18 маусымда қол қойылған Өзара түсіністік меморандумына сәйкес ABB фирмасы жобаны жасайды, жобалау мен құрылысын салуды орындайды, сондай-ақ электр станциясын қаржыландыруды, пайдалануды және техникалық қызмет көрсетуді ұйымдастырады.

Қазақстан Республикасының Үкіметі қаулы етеді:

1. Осы жоба Қазақстан Республикасы үшін басымдықты деп белгіленсін.

Қазақстан Республикасының Энергетика және көмір өнеркәсібі министрлігі осы жобаны жүзеге асыруға қажетті рұқсаттардың, келісімдер мен лицензиялардың тізбесін Үкімет пен ABB фирмасына үш күндік мерзімде берсін.

2. ABB фирмасы 1996 жылдың қазан айы ішінде Қазақстан Республикасының мемлекеттік органдарында рұқсаттарды, келісімдер мен лицензияларды, оның ішінде бірінші кезектегі тәртіппен - Қазақстан Республикасының Жер қатынастары және жерге орналастыру жөніндегі мемлекеттік комитетімен және Қазақстан Республикасының Мемлекеттік мүлікті басқару жөніндегі мемлекеттік комитетімен электр станциясының құрылысына жерді пайдалану туралы контрактіні ресімдесін.

3. ABB фирмасының осы жобаны жүзеге асыру мақсатында Қазақстан Республикасының министрліктері мен ведомстволары және Алматы облысының әкімі қысқа мерзімде жобаны жүзеге асыруда фирмаға қажетті жәрдем көрсетсін.

4. Осы қаулының орындалуына бақылау жасау және электр станциясы құрылысының жобасын жүзеге асыру жөніндегі мемлекеттік органдардың қызметін үйлестіру Қазақстан Республикасы Премьер-Министрінің орынбасары Г.Г.Штойкке жүктелсін.

Қазақстан Республикасының  
Премьер-Министрі